

## Izvještaj o radu Uprave policije MUP-a Kantona Sarajevo za mjesec maj 2020.godine

### KRIMINALITET

#### STATISTIČKI POKAZATELJI

U mjesecu maju 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 329 događaja sa obilježjem krivičnog djela (što je tri ili 0,9% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 163 ili 49,5% je evidentirano po poznatom izvršiocu, a 166 ili 50,5% po nepoznatom izvršiocu.

Od ukupno 166 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 68 ili 41% (što je za 10,8% više u odnosu na uporedni mjesec) od čega je 15 događaja evidentirano u mjesecu maju, a 53 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 177 obavijesti (60 manje) o događajima u kojima je pričinjena neznatna materijalna šteta<sup>1</sup>.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU MAJU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>MAJ 2020. GODINE</b>	<b>329</b>	<b>163</b>	<b>166</b>	<b>68</b>	<b>53</b>	<b>198</b>	<b>1</b>	<b>124</b>	<b>87</b>
MAJ 2019. GODINE	332	163	169	51	29	194	8	122	106
<i>uporedba</i>	-3	0	-3	17	24	4	-7	2	-19
	-0,9%	Isto	-1,8%	33,3%	82,8%	2,1%	-87,5%	1,6%	-17,9%

U toku mjeseca maja ove godine prijavljeno je 198 lica (četiri više), od kojih su 124 povratnika (dva više) (ili 62,6% od ukupnog broja prijavljenih lica), jedan maloljetnik (sedam manje), a 87 lica je lišeno slobode (19 manje).

Za događaje sa obilježjem krivičnog djela, koji su evidentirani u mjesecu maju 2020. godine, prema izjavama oštećenih lica, nastupila je materijalna šteta u ukupnom iznosu od 776.915,29 KM.

TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU MAJU 2020/19. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a

KZ FBiH-a i KZ BiH-a	MAJ 2020. GODINE	MAJ 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	14	15	-1	-6,7%	12	2	1	50%
Protiv slobode i prava čovjeka i građanina	14	14	0	isto	13	1	0	0%
Protiv spolne slobode i morala	1	1	0	isto	1	0	0	0%
Protiv braka, porodice i mladeži	21	21	0	isto	21	0	0	0%
Protiv zdravlja ljudi	30	44	-14	-31,8%	30	0	0	0%
Protiv privrede, poslovanja i sigurnosti plat.	1	0	1	---	1	0	0	0%
Protiv imovine	191	205	-14	-6,8%	32	159	67	42,1%
Protiv okoliša	2	0	2	---	1	1	0	0%
Protiv opće sigurnosti ljudi i imovine	12	5	7	140%	10	2	0	0%
Protiv sigurnosti javnog prometa	11	7	4	57,1%	11	0	0	0%
Protiv javnog reda i pravnog prometa	20	11	9	81,8%	19	1	0	0%
Protiv podmićivanja i krivična djela protiv službene i druge odgovorne funkcije	2	0	2	---	2	0	0	0%
Protiv privrede i jedinstva tržišta te kd iz oblasti carina (KZ BiH)	0	1	-1	---	---	---	---	---
Protiv sistema elektronske obrade podataka	0	1	-1	----	---	---	---	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	10	7	3	42,9%	10	0	0	0%
UKUPNO	329	332	-3	-0,9%	163	166	68	41%

U mjesecu maju 2020. godine u odnosu na isti mjesec prethodne godine, zabilježeno je neznatno smanjenje broja registrovanih događaja sa obilježjem krivičnog djela za tri ili 0,9%. Najznačajnija smanjenja su zabilježena u oblastima protiv zdravlja ljudi (za 14 događaja) i imovine (za 14), dok su povećanja evidentirana u oblastima protiv javnog reda i pravnog prometa (za devet), opće sigurnosti ljudi i imovine (za sedam), sigurnosti javnog prometa (za četiri događaja), itd.

#### PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

##### PROTIV ŽIVOTA I TIJELA

Tokom maja 2020. godine evidentirano je 14 događaja sa obilježjem krivičnog djela iz oblasti protiv života i tijela (jedan manje u odnosu na mjesec maj 2019. godine) i to 12 po poznatom i dva po nepoznatom izvršiocu. Evidentirani su slijedeći događaji:

- teška tjelesna ozljeda (član 172. KZ FBiH) – šest (jedan više) i
- laka tjelesna ozljeda (član 173. KZ FBiH) – osam događaja (jedan manje u odnosu na maj 2019. godine).

Nadležnom tužilaštvu podneseni su službeni izvještaji protiv 11 lica, od koji je šest povratnika (ili 54,5%), a dva su lišena slobode.

##### 1.2.2. PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 14 događaja sa obilježjem krivičnog djela (isti broj) i to: ugrožavanje sigurnosti – 11, protupravno lišenje slobode, narušavanje nepovredivosti doma i neovlašćeno optičko snimanje – po jedan događaj. U ovoj oblasti evidentirano je 15 lica, od kojih je devet povratnika (ili 60%), a sedam je lišeno slobode.

Događaji sa obilježjem krivičnog djela ugrožavanja sigurnosti evidentirani su na području sljedećih općina: Centar – tri, Stari Grad, Novi Grad i Hadžići – po dva, Novo Sarajevo i Ilidža – po jedan događaj u kojima su izvršioци upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

#### PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu maju evidentiran je 21 događaj sa obilježjem krivičnog djela (isto) i to nasilje u porodici, za čije izvršenje je prijavljeno 21 lice, od kojih je 13 povratnika (ili 61,9%), a 10 lica je lišeno slobode.

Događaji sa obilježjem krivičnog djela nasilje u porodici evidentirani su na području općina: Centar - osam, Novo Sarajevo – pet, Stari Grad – tri, Vogošća – dva, Novi Grad, Ilidža i Ilijaš – po jedan događaj.

#### 1.2.4. PROTIV ZDRAVLJA LJUDI

Evidentirano je 30 događaja sa obilježjem krivičnog djela iz oblasti protiv zdravlja ljudi (14 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) – 27 i
- prenošenje zarazne bolesti – jedan događaj.

Nadležnom tužilaštvu podneseni su službeni izvještaji protiv 31. lica, među kojima je 18 povratnika (ili 58,1%) i 18 lica je lišeno slobode.

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službene izvještaje protiv tri lica zbog postojanja osnova sumnje da su u proteklom periodu u više navrata kupovali opojnu drogu "Marihuanu", „Amfetamin“, na raznim lokalitetima, od za sada nepoznatih lica, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 28 lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, "Ecstasy", „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

#### PREGLED ODUZETE KOLIČINE OPOJNIH DROGA U MJESECU MAJU 2020/19. GODINE

vrsta opojne droge	MAJ 2020. godine	MAJ 2019. godine
Marihuana (paketići)	43	7
Marihuana (u gramima)	32	2.200
Heroin (paketići)	---	4
Amfetamin (paketići)	31	26
Amfetamin (u gramima)	11	1.200
Ecstasy (tablete)	---	10
Ecstasy (u gramima)	5,7	---

#### PROTIV IMOVINE

U ovom mjesecu, evidentiran je 191 događaj sa obilježjem krivičnog djela protiv imovine (32 po poznatom i 159 po nepoznatom izvršioци) što je za 14 ili 6,8% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 97 (pet manje),
- krađa (član 286. KZ FBiH) – 44 (19 više),
- razbojništvo (član 289. KZ FBiH) – 22 (22 manje),
- oštećenje tuđe stvari (član 293. KZ FBiH) – 11 (tri manje),
- utaja (član 290. KZ FBiH) – pet (dva više),
- teška krađa u pokušaju (član 287. u vezi člana 28. KZ FBiH) – tri (jedan više), itd.

Nadležnom tužilaštvu podneseni su službeni izvještaji protiv 56 lica, od kojih je 45 povratnika (ili 80,4%), a 24 su lišena slobode.

Od ukupno 159 događaja evidentiranih po nepoznatom izvršiocu iz oblasti protiv imovine naknadno je rasvijetljeno 67 ili 42,1% što je za 12,4% više u odnosu na maj 2019. godine.

Tokom mjeseca maja ove godine, prema objektima izvršenja teških krađa, 38 je izvršeno u poslovne prostore (30 više), 31 u stambene objekte (19 manje), 12 u motorna vozila (otuđenja motornih vozila i “provale” u ista) (20 manje), na ulici – 11 (jedno više) i u ostale objekte – pet (tri više).

Takođe, evidentirano je osam otuđenja motornih vozila, od čega je pet pronađeno i vraćeno vlasnicima (Uprava policije MUP-a KS pronašla je i vratila – dva i vlasnici su pronašli tri vozila).

Broj otuđenih motornih vozila u odnosu na uporedni mjesec znatno je smanjen i to za 13 ili 61,9%.

Evidentirana su 44 događaja sa obilježjem krivičnog djela krađe (19 više) i to: na ulici – 19 puta, u poslovne prostore – 17, u stambene objekte – šest, itd. odakle su otuđivani novčanici, mobiteli, prehrambeni proizvodi, bicikli, lijekovi, itd.

Evidentirano je šest događaja sa obilježjem krivičnog djela teških krađa na naročito opasan ili naročito drzak način (tri manje), u kojima su izvršiocu, upotrebom fizičke snage (otimanjem i trganjem), otimali mobitele, nakit i tašne i svi su evidentirani na ulici. Nadležnom tužilaštvu podnesen je službeni izvještaji protiv jednog lica, povratnika u činjenju krivičnih djela.

U mjesecu maju ove godine evidentirana su 22 događaja sa obilježjem krivičnog djela razbojništva (22 manje) i to na području slijedećih policijskih uprava:

- IV PU - sedam (deset manje),
- III PU – pet (isto),
- V PU – pet (tri manje),
- II PU – četiri (pet manje) i
- I PU – jedan (jedan manje).

Nadležnom tužilaštvu podneseni su službeni izvještaji protiv pet lica, od kojih su tri povratnika (ili 60%), a pet je lišeno slobode.

Od ukupno 20 događaja razbojništva evidentiranih po nepoznatom izvršiocu, naknadno je rasvijetljeno 17 (svi događaji su iz ranijeg perioda) ili 85% (što je za 46% više u odnosu na uporedni mjesec).

Razbojništva su izvršena prijetnjom upotrebe vatrenog oružja - 11 puta, prijetnjom upotrebe noža ili drugog oštrog predmeta – deset i upotrebom fizičke snage – jednom, a počinjena su u poslovnim prostorijama – 12 puta, u apotekama – četiri, sportskim kladionicama – tri, na ulici – dva i na benzinskoj pumpi – jedno. Otudivani su mobiteli, novac, cigarete i lijekovi.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 12 događaja (sedam više) i to: - izazivanje opće opasnosti – sedam, nesavjesno čuvanje pasa i drugih opasnih životinja - četiri i teška krivična djela protiv opće sigurnosti ljudi i imovine – jedan događaj, a nadležnom tužilaštvu podneseni službeni izvještaji protiv 16 lica, od kojih je devet povratnika (ili 56,2%), a pet je lišeno slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru pri čemu je u tri slučaja aktivirana nepoznata eksplozivna naprava, dva puta je otvorenim plamenom izazvan požar i u dva slučaja je upotrijebljeno vatreno oružje. Posljedice su nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirano je 20 događaja sa obilježjem krivičnog djela (devet više) i to: nasilničko ponašanje i napad na službenu osobu u vršenju poslova sigurnosti – po šest, krivotvorenje isprave - četiri, nedozvoljeno držanje oružja ili eksplozivnih materija – dva, sprječavanje službene osobe u vršenju službene radnje i ovjeravanje neistinitog sadržaja - po jedan događaj.

Nadležnom tužilaštvu podneseni su službeni izvještaji protiv 20 lica od kojih je 14 povratnika (ili 70%), a 12 lica je lišeno slobode.

#### DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu maju 2020. godine evidentirana su dva događaja sa obilježjem krivičnog djela, u kojima je učestvovalo jedno maloljetno lice. U odnosu na isti mjesec 2019. godine smanjen je broj maloljetnih lica za sedam ili 87,5% kao i događaja sa obilježjem krivičnog djela za sedam ili 77,8%.

Dva događaja sa obilježjem krivičnog djela u kojima je učestvovalo jedno maloljetno lice, evidentirani su u IV PU (spolni odnošaj s djetetom i napad na službenu osobu u vršenju poslova sigurnosti).

#### OSTALA PROTIVPRAVNA I ASOCIJALNA PONAŠANJA

##### AKTIVIRANJE MINSKO-EKSPLOZIVNIH SREDSTAVA

U toku mjeseca maja 2020. godine na području Kantona Sarajevo evidentirana su tri događaja aktiviranja minsko-eksplozivnih sredstava (jedan manje) usljed čega je nastupila materijalna šteta. Za sada su u jednom slučaju identifikovani učiniooci i protiv njih su preduzete zakonske mjere, a preduzimaju se aktivnosti na rasvjetljavanju dva događaja i pronalaženju učinilaca.

Evidentirana je jedna anonimna dojava o postavljenoj eksplozivnoj napravi (četiri manje). Nakon KDZ pregleda utvrđeno je da je dojava bila lažna. Preduzimaju se aktivnosti na rasvjetljavanju ovog slučaja i pronalaženju učinilaca.

#### POŽARI

Tokom mjeseca maja 2020. godine, na području Kantona Sarajevo registrovano je 18 požara (pet više u odnosu na isti mjesec prethodne godine), koji su za posljedicu imali materijalnu štetu.

Požari su registrovani na području općina: Ilidža – osam, Novo Sarajevo – tri, Stari Grad – dva, Novi Grad – dva, Hadžići, Vogošća i Ilijaš – po jedan požar.

Prema statističkim pokazateljima, 10 požara je izazvano namjerno, četiri nehatom, dva zbog tehničkih nedostataka, dok uzroci dva požara spadaju u kategoriju ostalih.

Objekti registrovanih požara bili su:

- Saobraćajno sredstvo – pet puta,
- Poslovni prostor – četiri,
- Stambeni objekat – tri,
- Pomoćni objekat – jednom,
- Ostali objekti – pet puta.

#### SAMOUBISTVA

U mjesecu maju 2020. godine na području Kantona Sarajevo registrovana su dva samoubistva (jedno manje u odnosu na maj prošle godine) koja su izvršena: vješanjem i upotrebom narkotičkih sredstava.

Izvršiocu su dva muškarca starosne dobi između 30 i 40 godina.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzete su dvije puške, sedam pištolja, osam ručnih bombi, jedan nož i pet komada municije raznog kalibra.

Tokom mjeseca maja ove godine fizičkim licima izdato je 106 odobrenje za nabavku vatrenog oružja i 64 oružna lista.

## JAVNI RED I MIR

U toku mjeseca maja 2020. godine u oblasti protiv javnog reda i mira evidentirano je **1.290 prekršaja** (931 ili 259,3% više u odnosu na isti mjesec 2019. godine), a za izvršenje navedenih prekršaja prijavljena su **1.294 lica** (928 ili 253,5% više), od čega su 63 povratnici u činjenju prekršaja.

Zbog učinjenih prekršaja u oblasti protiv javnog reda i mira izdato je 1.249 naloga i podnesen je 41 zahtjev za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 1.226 prekršaja (ili 95%), a na prekršaje koji su utvrđeni Odlukom općinskih vijeća o javnom redu i miru 64 (ili 5%).

Od ukupnog broja prijavljenih lica, 63 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi između 26 i 35 godina (451), 19 i 25 godina (447), preko 36 godina (389) i do 18 godina – sedam učinilaca.

Prilikom narušavanja javnog reda i mira u mjesecu maju 2020. godine, nije bilo teže povrijeđenih lica (kao ni u istom mjesecu 2019. godine), dok je 11 lica (tri više) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC MAJ 2020/2019.GODINA

PREKRŠAJI IZ ZAKONA O JRIM:	MAJ 2020.	MAJ 2019.	+ - %
<i>-Tuče</i>	22	28	-6 ili 21,4%
<i>-Naročito drsko ponašanje</i>	23	24	-1 ili 4,2%
<i>-Odbijanje naređenja i omalovaž. pol. služb.</i>	374	21	+353 ili 1.680,9%
<i>-Prosjačenje</i>	56	161	-105 ili 65,2%
<i>-Svađa, vika, nepristojno ponašanje</i>	11	9	+2 ili 22,2%
<i>-Uživanje opojne droge na javnom mjestu</i>	3	2	+1 ili 50%
<i>-Neovlaštena upotreba oružja</i>	---	---	---
<i>-Paljenje petardi</i>	---	1	-1
<i>-Ostali prekršaji iz Zakona o JRiM</i>	737	49	+688 ili 1.404,1%
Prekršaji prema Odluci općinskog vijeća o JRiM	64	64	isti broj
ukupno	1.290	359	+931 ili 259,3%

Iz tabelarnog pregleda vidljivo je da je tokom mjeseca maja 2020. godine prema strukturi povećan broj prekršaja koji se odnose na odbijanje naređenja i omalovažavanje policijskih službenika, naime, evidentirana su 374 prekršaja ili 29% od ukupnog broja (353 ili 1.680,9% više u odnosu na isti mjesec 2019. godine), zatim slijede:

- prosjačenje - 56 ili 4,3%, (105 ili 65,2% manje),
- naročito drsko ponašanje - 23 ili 1,8%, (jedan ili 4,2%),
- tuče - 22 ili 1,7%, (šest ili 21,4% manje),
- svađa, vika, nepristojno ponašanje - 11 ili 1%, (dva ili 22,2% više) i
- uživanje opojne droge na javnom mjestu – tri (jedan ili 50% više).

Takođe, evidentirano je 737 prekršaja iz kategorije ostali prekršaji i 64 prekršaja koji su regulisani Odlukom općinskih vijeća.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (1.206 ili 93,5%), a znatno manje u ugostiteljskim objektima (36 ili 2,8%), u školama i školskim dvorištima (tri), u trgovinskim i zanatskim radnjama i sportskim stadionima i dvoranama (po jedan), a na ostalim mjestima 43 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU  
IZVRŠENJA ZA MJESEC MAJ 2020/2019. GODINE

MJESTO IZVRŠENJA	MAJ 2020.	MAJ 2019.	+ - %
Ugostiteljski objekti	36	22	+14 ili 63,6%
Ulice i drugi otvoreni prostori	1.206	326	+880 ili 269,9%
Vozila javnog saobraćaja	---	---	---
Sportski stadioni i dvorane	1	---	+1
Škole i školska dvorišta	3	---	+3
Trgovine i zanatske radnje	1	---	+1
Ostala mjesta	43	11	+32 ili 290,9%
UKUPNO	1.290	359	+931 ili 259,3%

U odnosu na isti mjesec 2019. godine, znatno je povećan broj prekršaja evidentiranih na ulicama i drugim otvorenim prostorima za 880 ili 269,9%, u ugostiteljskim objektima za 14 ili 63,6%, u školama i školskim dvorištima za tri, u trgovinskim i zanatskim radnjama i na sportskim stadionima i dvoranama za jedan, na ostalim mjestima za 32 ili 290,9%.

Na području Kantona Sarajevo u mjesecu maju 2020. godine održana su 23 javna skupa (223 ili 90,6% manje u odnosu na mjesec maj 2019. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u šest slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu maju 2020. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom i nastradalim licima i broj povrijeđenih lica. Broj poginulih lica isti je kao u maju prošle godine.

Registrovane su 633 saobraćajne nezgode (74 ili 10,5 % manje u odnosu na maj prethodne godine), od čega je 570 sa materijalnom štetom (69 ili 10,8 % manje) i 63 sa nastradalim licima (pet ili 7,3 % manje).

Tokom mjeseca maja 2020. godine u saobraćajnim nezgodama na području Kantona Sarajevo jedno lice je poginulo (isto kao u uporednom mjesecu), dok je 77 lica povrijeđeno (osam ili 9,4 % manje), od čega devet teže i 68 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC MAJ 2020./19. GODINE

	maj 2020.	maj 2019.	+,-, %
UKUPNO SAOBRAĆAJNIH NEZGODA	633	707	- 74 ili 10,5 %
Saobraćajne nezgode sa nastradalim licima	63	68	- 5 ili 7,3 %
Saobraćajne nezgode sa materijalnom štetom	570	639	- 69 ili 10,8 %
POGINULO LICA	1	1	isto
- vozači	1	0	+ 1
-putnici	0	0	-----
- pješaci	0	1	- 1
POVRIJEĐENO LICA	77	85	- 8 ili 9,4 %
- vozači	42	49	- 7 ili 14,3 %
- putnici	21	18	+ 3 ili 16,7 %
- pješaci	14	18	- 4 ili 22,2 %

U naselju je registrovano 598 saobraćajnih nezgoda (jedna sa poginulim, 55 sa povrijeđenim licima i 542 sa materijalnom štetom), van naselja 35 nezgoda (sedam sa povrijeđenim licima i 28 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU MAJU 2020. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	7	48	542	<b>598</b>	1	7	60
van naselja		2	5	28	<b>35</b>		2	8
<b>UKUPNO</b>	<b>1</b>	<b>9</b>	<b>53</b>	<b>570</b>	<b>633</b>	<b>1</b>	<b>9</b>	<b>68</b>



Prema kategoriji puta, najveći broj saobraćajnih nezgoda registrovan je:

- na ulicama u naselju – 292 nezgode u kojima su 32 lica povrijeđena (sedam teže i 25 lakše),
- na magistralnim putevima – 95 (23 lica povrijeđena, dva teže i 21. lakše),
- na regionalnim putevima – 54 (sedam lica lakše povrijeđeno),
- na lokalnim putevima – 47 (devet lica lakše povrijeđeno),
- na putevima koji se ubrajaju u kategoriju ostalih – 145 saobraćajnih nezgoda u kojima je sedam lica nastradalo (jedno lice poginulo, šest lica lakše povrijeđeno).

#### POS LJEDICE SAOBRAĆAJNIH NEZGODA

Tokom mjeseca maja 2020. godine, u saobraćajnim nezgodama na području Kantona Sarajevo nastradalo je ukupno 78 lica (osam ili 9,3 % manje). Jedno lice je poginulo <sup>2</sup> (isto kao u maju prošle godine), dok je 77 lica povrijeđeno (osam ili 9,4 % manje), od čega devet teže (osam manje) i 68 lakše (isti broj).

#### STEPEN POVREDA UČESNIKA U SAOBRAĆAJNIM NEZGODAMA

- Vozači :  
42 vozača povrijeđena: tri teže i 39 lakše
- Putnici:  
21 putnik lakše povrijeđen
- Pješaci:  
14 pješaka povrijeđeno: šest teže i osam lakše

Starosna struktura nastradalih lica u saobraćajnim nezgodama je slijedeća:

- ispod 6 godina – jedno lice,
- od 15 do 17 godina – pet,
- od 18 do 20 godina - pet,
- od 21 do 24 godine – 12,
- od 25 do 30 godina – 12,
- od 31 do 40 godina – 11,
- od 41 do 50 godina – 10,
- od 51 do 65 godina – 10,
- 66 i više godina – 10,
- Nepoznata starosna dob – dva lica.
- 

Starosna struktura nastradalih vozača u saobraćajnim nezgodama je slijedeća:

- od 18 do 23 godine – šest lica,
- od 23 do 30 godina – 11,
- od 30 do 40 godina – osam,
- od 40 do 50 godina – devet,
- od 50 do 60 godina – tri,
- 60 i više godina – šest lica.

## UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 569 (jedno lice poginulo, 54 lica povrijeđena, četiri teže i 50 lakše),
- neprilagođena brzina – 58 (22 lica povrijeđena, pet teže i 17 lakše),
- uticaj alkohola – pet (jedno lice lakše povrijeđeno),
- umor – jedna saobraćajna nezgoda (bez nastradalih lica).

## AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca maju 2020. godine, policijski službenici Uprave policije MUP-a Kantona Sarajevo kontrolisali su:

- 14.283 vozila i vozača (2.399 manje),
- 3.532 lica u vozilima (1.725 manje),
- pregledali 184 vozila (26 manje) i 180 lica u tim vozilima (jedno manje).

Zbog tehničke neispravnosti iz saobraćaja je isključeno 11 vozila (38 manje), 101 vozač je zatečen da upravlja vozilom pod dejstvom alkohola (33 više), 324 bez korištenja sigurnosnog pojasa (43 više), 226 bez položenog vozačkog ispita (101 više), 67 pod izrečenom zaštitnom mjerom (19 više), 248 vozača je zatečeno da koriste mobitel tokom vožnje (tri manje) i 1.125 vozila je učestvovalo u saobraćaju bez važeće registracije (718 više).

Zbog kršenja propisa iz oblasti sigurnosti saobraćaja uručena su 14.683 prekršajna naloga vozačima (1.637 ili 10 % manje u odnosu na maj prošle godine) i podneseno 309 zahtjeva za pokretanje prekršajnog postupka (208 ili 205,9 % više).

### 3.5. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca maja 2020. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 4.907 prekršajnih naloga (732 manje), upozoreno je 246 vozača (17 manje), a specijalnim vozilom “pauk” premještena su 134 vozila (pet manje).

Takođe, pješacima koji su kršili propise uručeno je 59 prekršajnih naloga (183 manje), a upozoreno je 159 pješaka (111 više).

## ZAKONITOST U RADU

Tokom mjeseca maja 2020. godine, registrovano je osam napada (sedam više) na policijske službenike Uprave policije MUP-a KS. U napadima je učestvovalo devet lica, među kojima je jedan maloljetnik i jedan strani državljanin. Napadači su u sedam slučajeva koristili fizičku snagu, dok je u jednom slučaju napadač koristio oruđe.

Tokom mjeseca maja 2020. godine, razmatrane su 24 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za devet predstavki (četiri više) provede unutrašnja istraga, za osam predstavki je odlučeno da su izvrše provjere i prikupi dokumentacija, za šest da su neosnovane, dok se za jednu predstavku Odbor proglasio nenadležnim.

Sve predstavke su podnesene od strane građana.

Okončano je 11 unutrašnjih istraga, među kojima su četiri neosnovane, tri osnovane, u dva slučaja nije bilo dovoljno dokaza, u jednom slučaju stranka je odustala od žalbe, dok je jedna istraga okončana ocjenom oslobađajuća.

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, humanitarnih i drugih organizacija, osiguravali stvaranje povoljnog ambijenta za život svih kategorija stanovništva.

Kontinuirano su se provodile mjere i radnje koje su se odnosile na sprečavanje i širenje pandemije koronavirusa (COVID – 19).

Među brojnim aktivnostima izdvajamo slijedeće:

- Obilazak lica kojima je od strane Kantonalne uprave za inpekcijske poslove izrečena mjera ograničenog kretanja,
- Obilazak vjerskih objekata kojom prilikom su ostvareni brojni kontakti sa vjerskim službenicima u vezi pandemije, a u cilju prevencije širenja zaraze,
- Obilazak JU „Dom zdravlja Kantona Sarajevo“ pri čemu je posebna pažnja data obilasku trijažnih punktova i kontakta sa dežurnim medicinskim osobljem povodom pandemije, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.
- Nastavljene su aktivnosti na realizaciji projekta „Uklanjanje grafita – Zona bez grafita“.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 2.700 migranta.

U mjesecu maju 2020. godine migranti su učestovali u sedam događaja sa obilježjem krivičnog djela i to:

- Teška tjelesna ozljeda (čl. 172 KZ FBiH),
- Krijumčarenje osoba (čl.189 KZ BiH u nadležnosti SIPA-e, odnosno Tužilaštva BiH),
- Posjedovanje i omogućavanje uživanja opojnih droga (čl.239 KZ FBiH),
- Krađa (čl. 286 KZ FBiH),
- Teška krađa (čl. 287 KZ FBiH),
- Razbojništvo (čl. 289 KZ FBiH) i
- Napad na službenu osobu u vršenju poslova sigurnosti (čl. 359 KZ FBiH)

Tokom mjeseca maja 2020. godine, službenici policije kontrolisali su 218 migranta, od čega 48 nije posjedovalo registracijski obrazac, tri su upućena službi za poslove sa strancima radi registracije i 180 migranata je smješteno u imigracione centre.

Provodeći operativno-taktičke mjere i radnje, kao i akcije (ukupno 17 akcija) na području Kantona Sarajevo, u mjesecu maju 2020. godine, policijski službenici Uprave policije MUP-a Kantona Sarajevo pronašli su ukupno 65 migranta.

Kad su u pitanju pritužbe na ponašanje migranata, od ukupno 69 evidentiranih pritužbi, sedam je zbog događaja sa obilježjem krivičnog djela, sedam zbog okupljanja i 55 iz kategorije ostalih.

**Sarajevo, 15.06.2020.godine**  
**Odjeljenje za odnose s javnošću**